



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ad annum Christi 1563

Fleury, Claude

August. Vind. [u.a.], 1771

VD18 90118618

§. 80. Pontificis consilium de eo Romam evocando, & Philippi II. oppositio.

[urn:nbn:de:hbz:466:1-66653](https://nbn-resolving.org/urn:nbn:de:hbz:466:1-66653)

Sæcul. XVI.
A.C. 1563.

Romam, affirmantes, quod vehementer Patres peterent, ut Pontifex causam illam ad se advocaret, juberetque acta in Hispania confecta Romam mitti: verum Pontifex se in suis responsis purgabat causatus, quod nullus unquam de suis Ministris in Hispaniam ivisset, cui per iterata mandata negotium illud non commendasset: insuper transmisit inter cetera ad Legatos epistolam de hoc argumento, Philippi Regis chirographo signatam, in qua is querebatur acriter contra Pontificem, quod ipse quoddam diploma Odescalco Nuntio in ea causa dedisset, ipso Rege non prius audito: insuper petebat a Pontifice, ut susceptum a Rege consilium, ne ea justio vulgaretur, in bonam partem susciperet, atque in posterum Sacræ Inquisitionis acta non turbaret in ea causa, in qua Regi adeo cordi erat, ut id, quod æquum esset, perageretur: de cetero autem vehementer optaret, ut brevi hæc lis finiretur, cum sperandum esset, quam citissime acta confectum iri, de quibus postea Pontifex edocendus esset.

§. LXXX.

*Pontificis consilium de eo Romano
evocando, & Philippi II.
oppositio.*

Hæc

Hæc epistola Madriti die decima octava Mensis Octobris anno priori data erat, qua summus Pontifex a prosequenda hac lite absterrebat, haud consultum ratus, illam diutius urgere, ne propterea indignationem incurre-
ret Regis Catholici, cujus tamen amicitia in præsentis rerum vicissitudine ad Religionis incrementum oppido necessaria erat: cum autem Synodi Patres identidem Legatos hac super re stimularent, hinc toties iteratis precibus, ac sollicitationibus Papam urgebant, ut ab earum importunitate sese liberaturus transcriptam Philippi II. epistolam transmitteret, datisque literis hæc ad suos Legatos perscriberet; „compertum mihi „est, Caranzæ Episcopi causam a meo „Prædecessore commissam Hispanicæ „Inquisitioni, ut ibidem per sententiam „res plene decideretur, idcirco nolui „hujus causæ cognitionem huic Tribu- „nali adimere, ne illis, qui in ea labo- „rant, molestiam crearem, sed tamen „judicii acta mihi tradi petebam, hinc „cuncta, quæ prout nunc confecta sunt, „Romam postremo attulerat Gusmanus: „quantum vero ex illis cognoscere li- „cuit, affirmare possum, quod ea Ar- „chiepiscopi conjectio in carcerem haud „injusta fuerit, dum autem acta, ad „quæ nolui prorogationem ultra inte- „grum

Sæcul. XVI.

A.C. 1563.

Pallav. l. 6.

Sæc. XVI.
A.C 1563.

„grum proximum Aprilem concedere,
„penitus perficientur, minime desistam,
„quin æquum, absolutumque iudicium
„hac in re ipsus exerceam. „

§. LXXXI.

*Grimani Aquilejensis Patriarchæ pe-
titio de causa sua ad Synodum
devolvenda.*

*Pallav. c.7.
n.7. & 9.*

Pariter alterius cuiusdam Præfulis o-
mni veneratione digni causa ad
Synodum devolvebatur. Erat is Joan-
nes Grimanus Aquilejensis Patriarcha,
de quo alibi sæpius mentionem fecimus;
quippe eo tempore, quo Papa Anno
Christi millesimo quingentesimo sexa-
gesimo primo Amulium, & Navagerum
purpura decorabat, Venetorum Respu-
blica datis ad Papam literis hunc po-
stremum patria Venetum Cardinalium
Collegio adscriptum fuisse, grata men-
te recolebat, simulque Patriarchæ Gri-
mano eundem honorem deferri, aut
potius illum eodem auctum esse decla-
rari rogabat: jam enim hic in Cardi-
nalem electus a nonnullis credebatur.
Hanc petitionem Respublica iterato in-
culcabat: ast Pontifex ad frequentes
Venetorum preces respondit, quod huic
declarationi sacrum Collegium assen-
tiri renueret, nisi Grimanus de impa-
cto